



ONDARROAKO UDALA

Errenta-maila txikia duten bizikidetza-unitate Ondarrutarrek Hiri Ondasun Higiezinaren gaineko Zerga (OHZ) eta zarama-bilketa nahiz estoldagatik tasak ordaintzeko laguntzak emateko arauak.

1. artikulua. HELBURUA

Arau hauen bidez, arautu egin nahi da zein baldintzatan eta nola emango zaizkien familia-unitateei ohiko etxebizitzaren Hiri Ondasun Higiezinaren gaineko Zerga(OHZ) eta zarama-bilketa eta estolda-zerbitzuengatik tasak ordaintzeko diru-laguntzak. Laguntzok jasotzeko, ondoko artikuluetan ezartzen diren baldintzak bete beharko dira.

2. artikulua.- LAGUNTZAK EMATEKO IRIZPIDEAKETA BALDINTZAK

Errenta-maila txikia izan eta krisi ekonomikoak ukitutako pertsonak eta bizikidetza-unitateak, langabeek, pentsiodunek, LGS, SBE eta antzekoak... jasotzen dutenek udal-zerbak ordaintzen laguntzea da laguntza hauen xedea, pertsona eta familia horiek gizartean baztertuta geratzeko arriskurik izan ez dezaten.

2.1.- Finantza daitezkeen kontzeptuak. Hona hemen finantza daitezkeen kontzeptuak:

1. Ondasun Higiezinaren gaineko Zerga;

2. Zarama-bilketa eta estolderiagatik tasak;

Artikulu honetako 1. eta 2. kontzeptuak bateragarriak dira, eta hortaz, kontzeptu biengatik eska liteke laguntza.

2.2.- Hartzaileak

Pertsona eta **bizikidetza-unitate** onuradunek ondoko baldintza hauek bete beharko dituzte:

a) Ondarroan erroldatuta egotea: eskatzaileek, diru-laguntza eskatzen duten unean, gutxienez 12 hilabeteko antzintasuna izan beharko dute erroldan.

b) Hartzailea:

Edozein Ondarrutar baldin eta bizikidetza-unitatearen diru-sarrera guztien baturak oinarri hauetako 6. artikuluan ezarritako mugak ez baditu gainditzen.

Inola ere ez da eskatutako prestaziorik emango, oro har, nahikoa diru-baliabide dutenentzat, hau da aurreko paragrafoan ezarritako mugak gainditzen dutenentzat. Baita ez da eskatutako prestaziorik emango, Gizarte Larrialdietarako Dirulaguntzaren hartzaileentzat ere.

c) Hiri Ondasun Higiezinaren gaineko Zergaren eta zarama-bilketa eta estolderiagatik tasak zergaduna izatea, bai etxebizitzaren jabea izateagatik, bai maizterra izateagatik, betiere errentamendu-kontratuan zarama-bilketa eta estolderiagatik tasak maizterrak ordaindu beharra ezartzen bada edo pareko agiri bat.

Etxebizitza berean maizter bat baino gehiago dagoenean, eskatzaileak ordaindu behar duen zati proportzionalari egokitu zaio diru-laguntza.

d) Diru-laguntza eskatzen zaion higiezinaz beste higiezin baten jabea ez izatea. Ondorio horietarako, ez dira kontuan hartuko ez trastelekua ez eskariaren xede den etxebizitzaren



ONDARROAKO UDALA

eraikin berean dagoen ibilgailu-garajea.

e) Bizikidetzta-unitatearen gehieneko ondare erabilgarriak (dirua, tituluak, aseguruak, baloreak, ibilgailuak edo beste jabetza batzuk) ezingo du izan legokiokeen diru-sarrerak bermatzeko errentaren urteko gehieneko zenbatekoaren lau halakotik gorakoa, hau da:

kide bat: 31.800,38 €

bi kide: 40.834,5 €

hiru kide edo gehiago: 45.171 €

f) Laguntza-eskarian agertutako helbidean benetan bizitzea. Helbide horrek bat egin beharko du laguntzaren xede diren ordainagirietan agertzen denarekin.

g) Kontzeptu berberengatik eta epe berean diru-laguntzak jasota ez izatea.

Etxebizitzan benetan bizi diren pertsonen multzoa bizikidetasun-unitatetzat joko da. Egoera hori biztanleen udal-eroldaren egiaztagiriaren bidez ziurtatuko da.

3. artikulua.- BATERAGARRITASUNA.

3.1.- Beste erakunde batzuek helburu berberarekin emandako laguntzak ez dira bateragarriak orain arautzen diren hauekin, esaterako AESA diru laguntza.

3.2.- Horretarako, kontzeptu berbererako eskatutako edo emandako laguntza guztien berri eman beharko dute interesatuek, eskaria egiten den unean bertan. Betebehar horrek bere hartan jarraituko du harik eta prozedura ebatzi arte.

4. artikulua.- ESKARIAK ETA AURKEZTUBEHARREKO DOKUMENTAZIOA.

A) Eskariak aurkezteko epea: Eskariak abenduaren 1etik 15era bitartean aurkeztuko dira.

B) Eskariak aurkezteko lekua: Eskariak Ondarroako Udalean aurkeztuko dira (Musika Plaza s/n ; tel.94 683 36 72). Hori, hala ere, ez da eragozpen izango Herri Administrazioen Araubide Juridiko eta Administrazio Prozedura Erkideari buruzko azaroaren 26ko 30/1992 Legearen 38.4 artikuluan ezartzen denerako. Herri Administrazioen Araubide Juridiko eta Administrazio Prozedura Erkideari buruzko azaroaren 26ko 30/1992 Legearen 70. artikuluan ezarritako baldintzak betetzen ez baditu eskariak, edo oinarri hauen arabera eskatzekoa den dokumentazioa aurkezten ez bada, interesatuak 10 eguneko epea izango du hutsa zuzentzeko edo nahitaezko dokumentuak aurkezteko, eta adieraziko zaio ezen, horrela egiten ez badu, eskarian atzera egin duela ulertuko dela, betiere ebazpena eman ondoren.

C) Eskariarekin batera aurkeztu beharreko dokumentazioa:

1. Eskatzailearen eta bizikidetzta-unitateko gainerako kideen azken errenta-aitorpena; edo aitortpena aurkezteko beharrik ez duela egiaztatzen duen agiria.

2. Abian den urteko zarama-bilketa eta estoldagatik tasen ordainagirien fotokopia eta Ondasun Higiezinaren gaineko Zergaren ordainagiriaren fotokopia.

3. Laguntzaren onuradun gertatzekotan, laguntza kobratzeko kontu-zenbakia. Araudi honen I. Eranskinean jasotzen den fitxa bete beharko da.

4.- Laguntza hauen xede diren tributuak ordaindu behar dituzten maizterren alokairu-kontratuaren fotokopia edo bestelako agirien fotokopia. Kontratu horretan jasota agertuko



ONDARROAKO UDALA

dira maizterrak bere gain hartutako betebeharrak.

5.- Bizikidetza-unitateko kide guztien ondasunen deklarazio.

6.- Bizikidetza-unitateko kide guztiak identifikatzeko agirien fotokopia, hala badagokio.

7.- Banantze-epaia eta hitzarmen arau-emailea.

8.- Diruz lagundu beharreko aldiko diru, titulu, aseguru, balore eta bestelako banku-produktuen banku deklarazio, bizikidetza-unitateko kide guztiei dagokiena.

9.- Bidezkoztat jotzen den beste edozein dokumentazio osagarri.

Laguntzaren eskatzaileek eta bizikidetza-unitateko gainerako kideek diru-sarrerak dituztenek baimena eman beharko diote Ondarroako Udalari beren gaitasun ekonomikoa zehaztu eta egiaztatzeko beharrezkoa den informazioa, dagokion erakundearen bidez, edozein administrazio publikori eskatzeko.

5. artikulua.- DIRU LAGUNTZA EMATEKO PROZEDURA

Ondarroako Oinarrizko Gizarte Zerbitzuak kontrastatu eta izapidetuko dituzte eskariak.

6. artikulua.- BALORAZIO IRIZPIDEAK

a) Bizikidetza-unitatearen hileko diru-sarrera gordina. Eskatzaileari dagozkion diru-sarreraren %100 hartuko da aintzat, eta horri gehituko zaio familia-unitateko gainerako kideen diru-sarreraren %100.

Ondarroako Oinarrizko Gizarte Zerbitzua izango da organo instruktorea. Diru-laguntza emateko prozedurak bat egingo du Ondarroako Udalak indarrean duen diru laguntza ordenantza orokorrarekin.

b) Hona hemen laguntza bakoitzerako gehienezko zenbatekoa:

Sarrera gordinak eurotan urtean				
	0-11.662	11.663-14.364	14.365-17.052-	17.053-19.740
Familiakideak				
1edo2	100%	75%	50%	0%
3	100%	100%	50%	50%
4	100%	100%	75%	75%
5 edo gehiago	100%	100%	100%	75%

Kide kopuruaren eta sarrera gordinaren arabera diruz lagunduko da taulan agertzen den % portzentajearen arabera. Era berean taulako sarrera gordinak gainditzen dituzten eskatzaileek ez dute diru laguntzarik jasotzeko eskubiderik izango.

7. artikulua.- AURREKONTUA.

Programa honen bitartez deitutako laguntzen zenbatekoa eskari-urteko udal-aurrekontuan jasotzen den zenbatekoa izango da. Eta, OHZ laguntzak eta zarama-bilketa eta estolderiagatiko tasen laguntzak ordaintzeko, dagozkion kontu-sailak sortuko dira.



ONDARROAKO UDALA

Baldin eta diru-laguntza hartzeko eskubidea izanda eskatzen diren laguntzen zenbateko osoak aurrekontuetan jasotako zenbatekoa gainditzen badu, zuzengarri bat aplikatuko da, jaso eta onartutako eskari guztiei erantzun ahal izateko.

8. artikulua.- LAGUNTZAK UKATZEKO ARRAZOIAK

Osorik beteta ez dauden eskariak, gezurrezko eskariak edo datuen ezkutaketa arrazoia izango dira laguntza ukatzeko.

9. artikulua.- ESKARIAK EBAZTEA

Alkatetzak emandako dekretu bidez ebatziko dira eskariak.

10. artikulua.- ORDAINKETA

Organo eskudunak prozedura ebatzi ondoren, ordaindu egingo da laguntza, eta horretarako, diru-sarrera egingo da onuradunak emandako kontu-zenbakian.

11. artikulua.- PUBLIZITATEA

Argitara bedi oinarri hauen laburpena Bizkaiko Aldizkari Ofizialean, adieraziz, halaber, nahi duen orok eskuragarri izango dituela oinarriak, oso-osorik, Udalaren ohiko lekuetan: iragarki-oholean, Udalaren web-orrian, udal-aldizkarian eta abar. Udalaren Gizarte Ekintzako zentroetan eta Udalaren gizarte-zerbitzuetan ere jarriko da jendaurrean.

Xedapen iragankor bakarra.- 2013ko OHZ eta zarama-bilketa eta estoldagatiko tasaren ordainagiriei dagokienez, laguntzak eskatzeko, ohiz kanpoko epea irekitzen da 2014ko otsailaren 28ra arte. Epe hori igarota, 2013ko ordainagiriengatiko laguntza-eskariak ukatu egingo dira, epez kanpo aurkezteagatik.

Azken xedapena. Testu osoa Bizkaiko Aldizkari Ofizialean argitaratu eta hurrengo egunetik zenbatuta, hamaseigarren egun baliodunean sartuko da indarrean ordenantza hau.

Ondarroan, 2013ko azaroaren 12an.